

# BR1M rasuah sekadar tafsiran politik, bukan sudut undang-undang: Peguam

**SHAH ALAM**-Kenyataan yang dibuat bekas Perdana Menteri Tun Dr Mahathir Mohamed yang menyatakan pemberian Bantuan Rakyat 1 Malaysia (BR1M) sebagai sebagai satu kesalahan rasuah ditafsir dari sudut politik, bukan dari sudut undang-undang.

Peguam Wan Azmir Wan

Majid berkata, kesemua perkara boleh dijadikan kesalahan atau dijadikan sah dari segi undang-undang, namun terdapat perbezaannya dari sudut pandangan.

"Saya percaya ucapan Tun Mahathir tidak bermaksud untuk di tafsir dari sudut undang-undang, sebaliknya ia ditafsir dari sudut politik," katanya.

Wan Azmir berkata, pemberian BR1M, pengurangan cukai, pemberian rumah kos rendah, subsidi minyak, subsidi baja, pemberian bonus penjawat awam, kenaikan gaji penjawat awam, pemberian cuti, malah penetapan gaji minimum, semua boleh ditafsir sebagai meraih sokongan.

SH 27/2  
"Kesemua usaha yang dibuat kerajaan itu juga boleh ditafsirkan sebagai pentadbiran cekap 'good governance'.

"Namun perbezaannya bukanlah dari prinsip undang-undang, tetapi dari sudut sama ada rakyat secara umum mendapat manfaat," katanya.

Wan Azmir berkata, menjadi kesalahan (rasuah) atau tidak, bergantung kepada di mana pagar politik seseorang itu berdiri.

Tegasnya, mengapa rakyat perlu mempersoalkan usaha kerajaan untuk mempermudah dan membantu meringankan beban rakyat.